

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-52-22/22

Datum: 16.06.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda d o n o s i

O D L U K U
o poništenju postupka javne nabavke
opreme za potrebe preventivno-promotivne zdravstvene zaštite
za Lot 3 Audiometar

I

Prihvata se preporuka Komisije za nabavke broj 07-52-19/22 od 15.06.2022. godine i poništava se postupak javne nabavke opreme za potrebe preventivno-promotivne zdravstvene zaštite za **Lot 3 Audiometar**, koji je proveden putem konkurentskog zahtjeva za dostavljanje ponuda, iz razloga što je za predmetnu nabavku nije dostavljena nijedna prihvatljiva ponuda.

II

Obavještenje o nabavci iz tačke I ove Odluke objavljeno je na portalu javnih nabavki pod brojem 1247-7-1-122-3-9/22 od 27.05.2022. godine.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je postupak javne nabavke opreme za potrebe preventivno-promotivne zdravstvene zaštite broj 07-52-2/22 od 27.05.2022. godine, za koji je objavljeno obavještenje na portalu javnih nabavki pod brojem 1247-7-1-122-3-9/22 dana 27.05.2022. godine, a na osnovu Odluke Upravnog odbora Zavoda za javno zdravstvo Tuzlanskog kantona broj 02-243-1/22 od 16.02.2022. godine.

Tenderska dokumentacija je objavljena na portalu javnih nabavki i istu je preuzelo 13 potencijalnih ponuđača. Poziv za učešće u ponovljenom postupku javne nabavke je upućen sljedećim ponuđačima: MICOM BH D.O.O. SARAJEVO, SLUŠNI STUDIO BOTULJA D.O.O. ILIDŽA i AMT-METRIKS D.O.O. TEŠANJ.

Nabavka je podijeljena u tri (3) lota i to:

Lot 1: Portabilni stadiometar (visinomjer)

Lot 2: Aparat za mjerenje buke

Lot 3: Audiometar

U roku za prijem ponuda za Lot 3 Audiometar zaprimljena je ponuda jednog ponuđača i to SLUŠNI STUDIO BOTULJA D.O.O. SARAJEVO. Komisija za nabavke (u daljem tekstu: Komisija) je konstatovala da je ponuda imenovanog ponuđača blagovremena, ispravno zapečaćena i pristupila njenom otvaranju. Komisija je konstatovala da je ponuda zaprimljena u ukupnom iznosu od 2.432,00 KM bez PDV-a sa uključenim popustom od 5 % odnosno u ukupnom iznosu od 2.845,44 KM sa uključenim PDV-om. Po završetku otvaranja zaprimljene ponude Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14), dostavljen ponuđaču.

Prilikom računске provjere dostavljene ponude Komisija je konstatovala da je imenovani ponuđač u Obrascu za cijenu ponude napravio grešku tehničke prirode i da je u polje predviđeno za upis iznosa popusta napisao pogrešan iznos od 149,76 KM, a trebao je upisati iznos od 128,00 KM.

Komisija je potom pristupila pregledu zaprimljene ponude i konstatovala da ponuda imenovanog ponuđača nije prihvatljiva, jer ponuda nije dostavljena u skladu sa tačkom 14. tenderske dokumentacije, uz obrazloženje:

- Naime, tačka 14. tenderske dokumentacije propisuje način dostavljanja ponude gdje je, između ostalog navedeno: „Svi listovi ponude trebaju biti parafirani ili potpisani od osobe, odnosno osoba koje su ovlaštene da zastupaju ponuđača. Sve dopune i izmjene ponude moraju biti čitljive i parafirane od ovlaštenih osoba. Ponuda se čvrsto uvezuje na način da se onemogućí naknadno vađenje ili umetanje listova.“. Pregledom dostavljene ponude Komisija je konstatovala da listovi ponude imenovanog ponuđača nisu parafirani odnosno potpisani kao i da ista nije čvrsto uvezana na način da se onemogućí naknadno vađenje ili umetanje listova, jer je ponuda imenovanog ponuđača dostavljena uvezana spiralnim uvezom, bez osiguranja iste jemstvenikom. Shodno navedenom, ponuda ponuđača SLUŠNI STUDIO BOTULJA D.O.O. SARAJEVO nije dostavljena u skladu sa tačkom 14. tenderske dokumentacije.

U opštem slučaju čvrsti uvez se smatra uvezom koji onemogućava naknadno vađenje ili umetanje listova, što znači da ponuda može biti ukoričena u knjigu ili je ponuda, na neki drugi način, uvezana u cjelinu i uz to osigurana jemstvenikom.

Nadalje, tačka 14. tenderske dokumentacije navodi: „Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numerišu dodatno. Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.“.

- Komisija je takođe konstatovala da imenovani ponuđač nije numerisao ponudu u skladu sa tačkom 14. tenderske dokumentacije, jer je propustio numerisati dokumente koji se zahtijevaju kao uslov za kvalifikaciju pod tačkom 12.1 (a), a u skladu sa članom 46. Zakona. Navedena dokumentacija je dio ponude i ista se mora numerisati, jer se ne smatra štampanom literaturom, brošuram ili katalogom koji imaju originalno numerisane brojeve. Načinom na koji je imenovani ponuđač numerisao ponudu, odnosno propustom da numeríše navedenu dokumentaciju, ponuđač nije dostavio ponudu u skladu sa tačkom 14. tenderske dokumentacije, jer nije obezbjeđen kontinuitet numerisanja.

Shodno navedenom, Komisija je konstatovala da jedina zaprimljena ponuda za Lot 3 Audiometar nie prihvatljiva i predložila da se postupak javne nabavke za Lot 3 Audiometar poništi, u skladu sa članom 69. stav (2) tačka d) Zakona o javnim nabavkama („Službeni glasnik BiH“ broj 39/14), te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od deset dana od dana prijema iste.

VP DIREKTORA

Sarihodžić dr Majda, spec. socijalne medicine

MA menadžmenta

Dostaviti:

1. Ponuđaču
2. a/a